

INUIT ATAQATIGIIT

INATSISARTUNI



UKA2021/134

5. oktober 2021

Sofia Geisler

**Uunga siunnersut: Atuarfik pillugu Inatsisartut inatsisaata
allanngortinneqarnera pillugu Inatsisartut inatsisaat.**

**(Ilinniartitaanermut, Kultureqarnermut, Timersornermut
Ilageeqarnermullu Naalakkersuisoq)**

Meeqqat atuarfiata ulluinnarni ingerlanneqarneranut, siunissaanut inuiaqatigiinnullu ataatsimut isiginnillu pingaarutilinnik imaqartumik inatsisisstatut siunnersummik Ilinniartitaanermut, Kultureqanermut, Timersornermut Ilageeqanermullu Naalakkersuisup saqqummiussineranut qujanaq.

Inatsisisstatut siunnersuutaasup aallaavigivai qinersinerup siuliani aalajangiiffigisassatut siunnersuutaasut taamani Inatsisartunit tunuliaqtserneqarluartut. Siunnersuutit taakku qinersineq innersuussutigalugu kivitsinneqanngimmata suliassaniillu illikartinneqanngimmata nuannaarutigaarput.

Kattuffiit siunnersuisoqatigiillu arlallit, tassani Nunatta Aningasaqarneranut Siunnersuisoqatigiit ilanngullutik, ukiuni arlalinni meeqqat atuarfianni aammalu ilinniartitaaneq ataatsimut isigalugu ajornartorsiutinik nunamut imminent napatittumut toqqammaviissinissatsinnut isumagisariaqakkanik tikkuaasarput. Tamatuma saniatigut meeqqat atuarfiat pillugu 2015-mi naliliineq Ilinniartitaanerlu pillugu pilersaarutit arlallit Naalakkersuisunit nikittartunit saqqummiunneqartarsimasut innersuussutigissavagut.

INUIT ATAQATIGIIT

INATSISARTUNI



Inatsisissatut ullumikkut saqqummiunneqartumut ilaavoq atuarfiit pisortaasa taamatut sulinerminnut atatillugu pisortatut ilinniagaqarsimanissaata piumasaqaatinngortinnissaa.

Atuarfiup pisortaa pisortassatut ilinniarsimasoq sulisunut tamanut ulluinnarni atugarissaartitsinerusinnaasutut kiisalu allaffissornikkut malinnaanerusinnaasutut naatsorsuutigineqarsinnaasariaqarpoq. Tamannalu suliassanik amerlasuunik allanut, atuartitsinermut toqqaannartumik attuumassuteqannngitsunut suliaqarnissamut nukinnik atugassiissaq.

Soorlu makkunani:

- sapinngisamik amerlanerpaat ilinniaqqinnissamut nkissaqarnerullutik angusinissaannik suliaqarnermi.
- meeqqanut tarnikkut timikkullu innarluuteqarnerannut atatillugu nappaammik suussusersinissamik pisariaqartitsisunut tunngatillugu suliniuteqajaarnermik ingerlatsinermi, kiisalu angajoqqaat pisortallu suleqatigalugit meeqqat taakku inersimasutut inuunerissaarnissaannut toqqammavissiinermi.
- atuarfimmi pisortat sinnerinik piginnaanngorsaanermi, tassani trinini pisortat ilanngullugit.

Kiisalu:

- inuunermi allanngorarfiusumi pisortanik atuarfinni unammilligassanik periarfissanillu passussisinnaanermik piginnaasaqartunik pisariaqartitsisunik ujartuisuni aqutsinermi.

Nalunngilarput atuarfiit pisortaat pisortatut ilinniarsimasut amerliartormata, taamaattoq oktober 2018 taamani Naalakkersuisuusut ilisimatitsissutigaat piffissaq taanna atuarfiit pisortaattut atorfinni atorfeqartut 26-usut akornanni taamaallaat arfineq-marluk pisortatut, diplomlederitut, ilinniarsimasut.

INUIT ATAQATIGIIT

INATSISARTUNI



Aammalu ukiut tallimat ingerlaneranni pisortatut, diplomlederitut, ilinniarsimasut tassannga naammassinnittut marluusimasut.

Taamaattumik sammisamut atatillugu sammisaqarnissaq annertuumik pisariaqarpoq. Atuarfimmi pisortat pillugit, meeqqat pillugit sulisullu pillugit. Pissusissamisuunngilaq atuarfimmi pisortat atorfinitssinnejartamata qulakkeeeqqaarnagu pisortatut suliffimmik kivitsinissaminni ilisimasariaqakkaminnik peqannginnerat. Atuarfinni sivikinnerpaamik qaammatini qulini ingerlaarsortumi, assigiinngiaartorujussuarnik atorfissaqartitsisunik najorneqartuni, ilaatigullu massakkoqqissaaq aaqqiissuteqarnissamik pisariaqartitsisartumi.

Meeqqat atuarfianni aqutsineq nukittunerulersoq suli nukittunerulissaq ikiuinermi atassuteqarfissamik aqqutissiuussinikkut kiisalu atuaqatigiit qanoq amerlatigisariaqarnerannik eqqartuinikkut.

Meeqqat atuarfiata ullumikkut inisisimanera immikkut sammisariaqarpoq. Inuuusuttut 16-it 25-illu akornanni ukiullit ilinniagaqaratillu suliffeqanngitsut 2019-mi 33 procentiupput. Taakku amerlassusaat 2014-imut sanilliullugu 5 procentpointinik appariarsimagaluartut suli inuit amerlaqisut pivagut, tassalu 2500-it missaaniittut.

Inuaat nukittuut tungaannut aqqutissiuussinermi meeqqat atuarfiat kisimi aqqutissaanngilaq – tamattami akisussaaffeqarpugut. Tamattalu pisussaaffeqarpugut oqaatigiuassallutigu ilinniartitaanerup qanoq pisariaqartiginera. Ilinniagaqarneq tassaavoq kiffaanngissuseqarluni inuunermut inuaqatigiillu napanerannut toqqammaviliisoq. Aamma aqqutissiuussisuusarpoq inuit ataasiakkaat ilaqtariillu qaammatit tamaasa aalajangersimasumik isertitaqarnissaannut.

INUIT ATAQATIGIIT

INATSISARTUNI



Taamatut oqareerluta inatsisissatut siunnersuutip ataatsimiititaliamut susassaqartumut ingerlatinneqarnissaa innersuussutigissavarput.